

Jacob nominabatur, sic & Maria propter solam desponsationem uxor Joseph recubatur. Bernardus homil. 2. in Missus est, habet: Virum nominat, quia homo virtutis erat, non quia maritus. Eadem fere scribunt Gregorius Magnus homil. 26. & 27. in Evangelia, Epiphanius hæresi 78. Nyssenus homil. de nativit. &c. IV. Cyprianus serm. de passione Domini, Ambrosius Epist. 79. & lib. 2. in Lucam in principio, & lib. de Institut. Virginis cap. 6. & 7. dicunt, quod Christus in Cruce separavit Matrem a Joseph, & eam tradidit Joanni, ut ostenderet, inter Deiparam, & Joseph verum non fuisse matrimonium. V. Sicur Christus putabatur filius Joseph, & non erat, ita etiam dicendum est, quod Joseph putabatur Mariæ maritus, & non erat; Unde Maria & Joseph in Scripturis dicuntur Conjuges, quod tales vulgi opinione essent, seu potius censerentur. VI. Multi Patres docent, quod Joseph custodiebat Mariam desponsationis nomine: ergo non vere fuerat illi desponsata. VII. Matthæi 1. dicitur, quod Joseph vir ejus cum esset iustus, & nollet eam traducere, hoc est, in domum suam, ducere ad assiduam cohabitationem, vult eam occulere dimittere, scilicet tempus nuptiarum mutare, ut exponit Remigius: ergo nuptiæ nonnullum erant celebratae; Sed nuptiis non celebratis non est verum matrimonium: ergo inter Mariam, & Joseph non fuit verum matrimonium. VIII. Post matrimonium contractum, non licet aliqui dimittere sponsam; sed Joseph volebat dimittere Deiparam: ergo inter illos non fuit vere matrimonium contractum. IX. Matthæi 1. dicitur: Jacob genuit Joseph virum Mariæ, ad quæ Hieronymus scribit: Cum virum audieris, suspicio tibi non subeat nuptiarum, sed recordare consuetudinis Scripturarum, quod sponsi viri, & sponsæ vocentur uxores; sed verum matrimonium non efficietur ex sponsibus, sed ex nuptiis: ergo inter Mariam & Joseph non fuit verum matrimonium. X. Castitatis votum repugnat cum vero matrimonio, quia matrimonium includit intrinsecus consensum in copulam conjugalem; Virgo autem habuit propositum, & votum Virginitatis; & Augustinus lib. de bono viduitatis cap. 8. expresse docet: Voventibus castitatem, non solum nubere, sed etiam velle nubere, dannabile est: ergo satis est, ut dicatur inter Mariam, & Joseph fuisse tantum Sponsalia, non autem verum.

matrimonium.
Respondemus ad I. cum S. Thoma 3. par. qu. 29. ar. 1. ad I. quod B. Virgo mater Dei, ex familiari instinctu Spiritus Sancti credenda est desponsari voluisse, confidens de divino auxilio, quod nunquam ad carnalem copulam perveniret. Hoc tamen divino commisit arbitrio, unde in nullo detrimentum passa est virginitas.

Ad II. Dicit idem S. Doctor, quod quædam miracula sunt, de quibus est fides, quædam vero sunt ad fiduci comprobationem; primi generis sunt miraculum partus virginis, Resurrectionis Domini, Sacramenti Eucharistici &c. Et haec debent esse occulta, ut fides corum magis sit meritaria; miracula vero, quæ sunt ad fiduci comprobationem, debent esse manifesta. Ceterum docet Ambrosius lib. 2. in Lucam, non procul a principio, quod maluit Dominus aliquos de suo ortu, quam de Matri pudore dubitare. Quum enim scire teneram esse Virginis verecundiam, & lubricam famam pudoris, non putavit ortus sui fidem Matri injuris astruere.

Ad III. Dicitur citatos Patres nomine Sponsalium intelligere matrimonium ratum, non consumatum; & ideo non usurpatum nomen matrimonii, vel mariti, ut significarent Sanctos Sponsos ad statum copulæ conjugalis non pervenisse. Idem Hieronymus notat, quod in Sacra Scriptura Sponsa dici solet, quæ nupta est, & interdum dicitur, accipi in conjugem, quando matrimonium consummatur; quod constat Genesis 24. & 29. in Rebecca, Lia, & Rachele. Verum advertit Suarez, quod hic usus vocum non semper est idem, ut patet in illo exemplo, quo Cyrillus Hierosolymitanus urebatur, quod ait esse prudenter interpretandum: Non enim affertur, quia in omnibus sit simile, sed quia fortiori concludit. Nam si Rachel propter solam promissionem vocata est conjux, multo magis B. Virgo propter Sponsalia, quanvis nulla copula intercesserit. Rem conficit Ambrosius dicens: Virgo desponsata Viro, conjugis nomen accepit. Non enim defloratio Virginitatis facit conjugiam, sed pactio conjugalis.

Ad IV. Tempore, quo Christus mortuus est, Joseph non vivebat, & ideo Christus Matrem Joanni commendavit. Hoc pater; tum quia usque ad duodecimum Christi Domini annum sit mentio Joseph in Evangelio, & non amplius, neque in nuptiis Cana Galileæ, neque in historia passionis.